

յորս հաստատեալ են իրաւունք նոցա : Ի վերջոյ ուրեմն
հնազանդեցաւ փոխանորդն Լատինաց , և դատաւորն գրով
հաստատեաց զիրաւունս Հայոց յայրին Յննդեան՝ կատա-
րել զայն ըստ առաջին սովորութեան . ԿՅԿ (1621) :

Գ Լ Ո Ւ Խ Խ Ս .

Հակառակութիւն Լատինաց : Վանօրայք լեւնակողման : Խնդիր Վանաց
Ս . Յակոբայ : Գնալն Գրիգորի Պատրիարքի 'ի Կոստանդինուպօլիս : Հին
Երուսաղէմի տունն անդ : Եկեղեցին Պալատու : Նորոգութիւն Եկեղե-
ցայն Յովնանու Աւետարանչի : Վերնտան երեք կամարքն :

ԹԻՊԷՏ և այսպիսի երկար և ոգետանջ դատաստանաւ
իրրու թէ յանդ ել խնդիրն 'ի դատարանի , և Հայք տիրա-
նալ կամեցան իւրեանց . սակայն չև ևս էր անցեալ
ամսօրեայ ժամանակ , փութացին Լատինք օգնութեամբ
Գեսպանին Գաղղիոյ , և վերստին առին հրովարտակ յԱր-
քայէ , և առաքեցին զայն յԵրուսաղէմ 'ի ձեռն զինակրի
նորին , որոյ անունն էր Եուսուֆ աղա , դրաւել զամենայն
Ս . Տեղիս , և արտաքսել զայլ քրիստոնէայս , զի այնպէս
ծանուցեալ էին Արքայի , թէ այրն Յննդեան Քրիստոսի
'ի Բեթղէհէմ , Գմբեթն տաճարի Ս . Յարութեան , Գերեզ-
մանն և Պատանատեղին Քրիստոսի . և գերեզմանն Ս . Աս-
տուածածնի , 'ի սկզբանէ անտի են 'ի ձեռս Լատինաց . իսկ
այլոց քրիստոնէից միայն է լուցանել զկանթեղս եւ զաշ-
տանակս , և չունին զայլ իրաւունս : Եհաս ոստիկանն հրո-
վարտակաւ յԵրուսաղէմ , եւ Լատինք ետուն զայն արձա-
նադրել 'ի դատարանի , և աղա սկսան մեծամեծ պատա-
րագօք և ընծայիւք որտալ զմիտս այլազգեաց , առ 'ի դրա-
ւել զՍ . Տեղիս . լուեալ զայս Գրիգորի Պատրիարքի եւ
միաբանացն Հայոց՝ չոքան առ դատաւորն և ազդ արարին
նմա զանտեղի խնդիրն Լատինաց , որպէս գրեալ էր 'ի հրո-
վարտակին , զի իւրաքանչիւր ազդ ունի սեփական վանս
և զեկեղեցիս՝ ասեն , եւ վասն այնց չիք հակառակութիւն
'ի միջի , իսկ չորեքին տեղիքն այնոքիկ հաւատար են ամե-